



26. november 2009

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqput: Gassimik silaannarmik kissatitsisartumik aniatitsineq annikillisarniarlugu sunniutissat pillugit nassuaatip Inatsisartunit oqaluuserineqarnerata malitsigisaanik apeqqutit itisileeqqusissutit.**

(Inatsisartuni ilaasortaq Finn Karlsen, ATASSUT)

**Tunngavilersuut:**

Inuiaqatigiinni amerlanersaalluta piumasarput angunikuuvaput tassalu Namminersulerneq, tamatumalu kingunerissavaa allanik isumalluuteqanersuaq qimakkiartuaarlugu inuusutissarsiutinik nutaannik nammineq nassaarniartuarnissaq, ilaatigut makkuusinnaasunik: aatsitassarsiorneq , uuliasiorsinnaaneq, alumiiniummimik aatsitsiviliorsinnaanissaq, taakku arlaannaalluniit pilersinneqassagaluarpata tamarmik mikinngittumik CO<sub>2</sub>-mik nunatsinni aniatitsinerlernermik kinguneqartussaavoq.

Ullormut oqaluuserisassap immikkoortoq 127-ip Inatsisartuni oqaluuserinerani, tassa gassimik silaannarmik kissatitsisartumik aniatitsineq annikillisarniarlugu sunniutissat pillugit nassuaatip oqaluuserinerani, Ineqarnermut Attaveqarnermut Angallannermullu Naalakkersuisoq toqqaannartumik apeqquteqarfigaara.

Peqqutigalugu ilaatigut ima oqarmat: "Kalaallit Nunaat Qallunaat Nunaallu akornanni taakkua uagut isitsinnit ingerlalluarput" aammalu oqalunnermini ima oqarpoq "kisianni anersaaq ajorpallaanngitsoq maanni ingerlavoq siullermik naleqqiullugu" issuaaneq naavoq.

Aammalu oqarluni ima: " kisianni soorunami suli naammassinnillat aamma aatsaat immaqa COP 15-imi iluamik naammassineqarnissaa taavalu angusat iluamik oqaatigineqarsinnaalissapput".

Ingerlaqqikamilu oqarpoq: "kisianni nunarsuarmioqatigut soorunami aamma eqqarsaatigissavaat imasinaasoq ilaatigut akilersinnaasoq Nunatsinni suliffiit annertuut, soorlu aluminiummimik aatitsivik inississallugu nunatsinnut"

Taamaammat Naalakkersuisut siulittaasuanut tulliummat aperiganni sunaanna taama Qallunaat naalakkersuisuisa akuersaarniannginnerminnut tunngavigigaat?

Ilaatigut ima akivoq " taava allatut ajornartumik innersuusutigisariaqarpara § 36-imut apeqquteqarnikkut"

Nangillunilu ima akivoq: "taavalu Qallunaat Nunaat atorneqartussaalluni uunga taamaammat immaqa Qallunaat annertoorujussuarmik misigisimapput annertunerusumik nunanik allaninngaaniit annikillisaanermut pituttugaasimasut.

taava Naalakkersuisut Siulittaasuut aperisariaqalerpara imaattunik:

1. 1: Qanoq paasisariaqarpa "ingerlalluarput" aammalu: "anersaaq ajorpallaangitsoq?"
2. 2: COP 15-ip naammassinissaa utaqqissavarput Qallunaallu isumaqatigiinissamut?

3. 3: Qanoq paasisariaqarpa ”imaasinnaasoq ilaatigut akilersinnaasoq Nunatsinni sulifiit annertuut, soorlu aluminiummimik aatitsivik inississallugu nunatsinnut. “imaasinnaavoq” qanoq tamanna paasisariaqarpa?
4. 4: Ersarissumik paaserusuppara sunaana Qallunaat Naalakkersuisuisa isumaqatigiiniarnissini taama malartaasissutigitigaa? Imaappa Kalaallit nunaat CO<sub>2</sub>-mik aniatsitsinermut annikillisaanissamik atsioreersimanera peqqutaasoq?

Inussiarnersumik inuulluaqqusillunga

Finn Karlsen

ATASSUT sinnerlugu Inatsisartuni ilaasortaq

*Maluginiagassaq.: Erseqissaatigissavarput apeqqutip matuma qallunaatuunngortinneqernerani Jens B. Frederiksens-ip kalaallisut oqaasiit qallunaatuunngortitaammata, taamaammat innersuussutigissavagut kalaallisut naqeqqaakkat ulloq 18.11.09-meersut.*